

# BONERIANO®

Tin biá bo por midi un hòmber di akuerdo ku tamaño di su soñonan.

EDITOR:  
Bonaire Communication Services N.V.

Djaweps 16 mart 2023

Preis: \$1.00

# DEMOKRAT A GANA

Demokrat viktorioso 2023



MANTENE BO  
VEHIKULO OF  
EKIPO DEN  
KONDISHON  
KU PIESANAN  
KUMPRÁ NA NAPA



xerox™



OBERSI  
ELECTRONICS  
BONAIRE



cityshopbonaire.com

City Shop Bonaire

+599 700.6442

+599 717.3666

City Shop  
Smart shopping • Better living

# Daisy Coffie a bai vota den ròlstul

Lider di M21 Daisy Coffie a bai vota den ròlstul ayera. Parse ku el a sufri un aksidente chikitu último dianan. El a vota na Jong Bonaire.



## Aksidente ku skuter

**KRALENDIJK** -- yega na e sitio a opservá ku tabatin un supstansia riba kaminda ku probablemente tabata kousa di e aksidente. Mas despues a resultá ku tabatin zeta riba kaminda for di Kaya Papa Cornes te Kaya Jose Girigorio Hernandez.

Brantwer a asistí pa basha santu riba kaminda pa evitá mas kaso di slep-mentu.

Djadumingu 12 di mart alrededor di mitar di sinku di atardi, un aksidente ku un skuter a tuma lugá riba Kaya Korona. Shofùr di e skuter a deklará ku el a bai wanta brek na momentu ku su skuter a slep i el a kai. Ambulans a transportá shofùr di e skuter pa hòspital pa tratamentu médiko. E agentenan ku a


## Entiero di Jan Kloos

Famia, amigu i konosí a tuma despedida di Jan Kloos, kende a fayesé siman pasá repentinamente. Jan Kloos tabata postulé riba lista di MPB pa e elekshon di ayera na Boneiru. Foto ta saká den Misa di Coromoto, na unda e kaha konteniendo su restunan a reposá.



Nos ta buskando un full time

## Schoonheidsspecialist



### Eksigensha:

- Mester tin 3 aña eksperensha ku servisionan di schoonheidstherapie
- Mester ta un personal amabel i servisial
- Por komunika bon, ta profeshonal i fleksibel
- Mester por papia Spaño i Ingles (basiko)

Manda bo CV via: [pedisa.spa@gmail.com](mailto:pedisa.spa@gmail.com)

Pa mas informashon tokante di e vakatura yama: 0599 7174111

# DEMOKRAT A GANA

**KRALENDIJK-** Partido Demokráitiko Boneriano (Demokrat) ta gana elekshon ku 4002 voto. Ku esaki Demokrat ta e ganadó indiskutibel di elekshon Konseho Insular. Un total di 16312 siudadano por a vota pa Konseho Insular i finalmente 64,4 porshento a depositá su voto.

Seis partido a partisipá na e elekshon di Konseho Insular, Union Patriótiko Boneriano (UPB), Movementu di Pueblo Boneriano (MPB), M21, Union Rev-

olushon Boneriano (URB), 1 Union pa Pueblo, Partido Demokráitiko.

Demokrat a sali e ganadó, ku un diferencia di 1100 voto for di UPB i 1964 voto for di MPB.

Den e elekshon aki por bisa ku pueblo di Boneiru a papia palabra kla. Ke mira un kambio grandi den gobernashon.

E kuater partidonan aki a saka asiento. Demokrat 3 asiento, 3 asiento pa UPB, MPB 2 i M21 a haña 1 asiento.

Apesar di un kampaña basta kòrtiku pueblo a sa di hasi uso di nan derechi pa vota. Durante e kampaña no tabata fásil pa pronostiká e resultado di elekshon. Na final di e kampaña por a nota diferente análisis. E elekshon mes a sòru pa sorpresa. M21 komo partido 'nobato' a sa di saka 1 asiento. Ku esaki e partido di Daisy Coffie a bira e famoso 'yabi'.

Por konklui ku Demokrat ta e partido yamá pa forma koalishon. Esaki


sigur ta bira interesante mirando ku UPB na vários okashon a deklará ku nan no ke traha ku Demokrat.

BONERIANO lo sigui e proseso di formashon ku wowonan di falki.


## ELEKSHON KONSEHO INSULAR 2023

Último aktualisashon


Porsentahe di presensia



### Kantidat di voto pa kada partido



### Kantidat di voto pa urna



Señor ta mi wardador, mi no tin falta di nada, den kunuku di yerba berde E ta pone mi sosegá

A bai sosegá den brasa di Señor

### Harold Casimiro Martina

mihó konosí komo Papi Martina



#### Na nòmber di su sra:

Lucia Martina Richardson

#### su yunan:

Harvey i Charlotte Martina

Nouella Martina i famia na Hulanda

Churesca Martina na Hulanda

Harold Wout i famia na Hulanda

Ludhardo Martina

#### yu di Kriansa:

Clouvis Makaai

#### su ruman:

Melvin 'Mem' Martina

Na nòmber di Eveline De Castro

Su nietu-anan, bisanietu-anan, subrino-anan, primu-anan, kuña- i suánan, ihánan, komader- i kompadernan, su amigu- i konosinan, su bon bisifanan.

#### Demas famia:

Martina, Richardson, Makaai, Corasol, Cairo, Concepcion, Ricardo, de Palm, Filomena i Jansen

Si akaso den nos tristesa nos por a lubidá di menshoná nòmber di algun famia òf konosi, nos ta pidi nos diskulpa pa esaki.

Un danki na Dr. Castro, staf i personal di Thuiszorg, staf i personal di ZW Groep, staf i personal di Kas Flamboyan, staf i personal di Kushina Bon Appetit Ku Mientje.

**Akto di entiero ta tuma lugá djasabra 18 mart. Ta risibi bishita di kondolensia for di 10'or pa 12'or na misa di Coromoto-Antriol, sigi pa un respons.**

**Despues ta hiba e defuntu na su último lugá di sosiegu den santana katóliko na Playa.**

**Famia ta pidi pa asisti na trahe alegre.**

**Despues di entiero NO por risibi bishita di kondolensia na kas.**

**Enbes di krans i flor, famia ta pidi pa hasi un donashon na Kas Flamboyan.**

# BONEIRU A VOTA



## Shofùr di skuter detené

**KRALENDIJK** — mentu ku e tabata kore sin Djaluna 13 di mart den hèlm bistí riba un skuter oranan di atardi, polis a ku no tabatin plachi di detené un hòmer di inisial J.M.H.C. di 19 aña di edat den Bario Den Tera, pa no duna oido na òrdu, duna resistensia durante di detenshon i pa violashon di lei di identifikashon. Un patruya a spòt e sospechoso na mo-

mentu ku e tabata kore sin hèlm bistí riba un skuter ku no tabatin plachi di number tampoko.

E patruya a bai tras di e skuter i a dun'é señal pa para, pero e sospechoso no a duna oido na esaki. Despues di a kore tras di e skuter pa un ratu, a logra para e sospechoso i a deten'é.

Entrevista ku Philomena Wong ta un ehèmpel

# FuHiKuBo aportando tambe na Aruba

**K R A L E N D I J K / ORANJESTAD** – E fayesimentu siman pasá di Philomena Wong na Aruba a demonstrá ku na Aruba tin hopi apresio pa e trabou ku Fundashon Histórik Kultural (FuHiKuBo) ta hasiendo, aportando tambe na e pais ei. Wong, nasé dia 22 di desèmber 1941, tabata un konosido outor, poeta ku vários obra literario.

Durante bishitanan ku e ekipo di Herensia ta hasiendo pa entrevistá boneriano òf desendientenan boneriano na Aruba i Kòrsou, ta hinka tambe unda ta posibel, entrevista ku rubiano i yunan di Kòrsou outéntiko, manera Philomena Wong. Anteriormente a yega di entrevistá su ruman Ty Wong tambe pa Herensia.

Durante ripitishon di un



programa Herensia, produsí den pasado, na TeleAruba fin di siman, a bini hopi reakshon positivo. Esta ku for di Boneiru ta sali hende ku ta entrevistá rubiano mes tambe.

Philomena ta yu di un tata chine i mama rubiano. Su tata despues di pasa diferente pais a yega Aruba. Philomena a konta: “Ku 10 aña kaba mi tata a resultá huérfano. Ku 11 aña el sali for di China, skondí na bordo di un barku, pa buska

un mihó bida. El a pasa den situashonnan hopi difisil, krusando lamannan asiátiko. El a biba un periodo tambe serka e ‘monja’-nan na Tibèt.”

Na Indonesia e tata di Philomena a kue un barku pa bai Hulanda, na unda el a biba un periodo. Finalmente el a yega Aruba, ku a bira su kas pa semper.

Philomena Wong: “Mi tata a traha komo kòki den Lago. Despues el a traha na Aruba Restaurant, ku ta-

bata di un famia despues. Mas despues el a bai riba su mes, ku ‘grocery’ na Santa Cruz, Rancho i San Nicolas. Mi mama, di famia Hernandez-Geerman, tabatin su negoshi apart.”

### Multikultural

“Nos a lanta den dos kultura: chine i rubiano. Nos tabata komuniká den idioma Papiamentu na kas. Tabata un infansia i hubentut ku hopi amor. Nos a lanta na Piedra Plat i despues na San Nicolas, Weg Seru Pretu. Mi tata tabata promé presidente di Club Chines,” segun Philomena Wong.

Philomena a konta ku na Weg Seru Pretu el a lanta konosé hopi boneriano, manera Achi Martis i famia, Moi St. Jago i famia, Buchitu Martijn, famia

Anthony i hopi mas. Club Boneriano i Club Orquidea di bonerianonan tabata dilanti nan kas.

Philomena a konta den Herensia ku el a bai skol di sùr. “Mi ta gradisidu na sùrnan ku a duna mi enseñansa. Nan a duna hopi di nan mes. Nan a duna bon guia na muchanan rubiano. Mi ta kòrda sùr Borgia, tambe sùr Grata, un sùr boneriano.”

Kisas inspirá pa sùrnan, Philomena a bira maestra di skol. El a hasi su estudio na Hulanda. Un aña despues ku el a bai Hulanda a bira posibel pa hasi estudio di maestra di skol na Aruba mes. Na sierto momentu den su bida Philomena Wong kuminsá skirbi poema. El a publiká algun buki di poesia.



### Stichting Jeugdwerk Jong Bonaire zoekt jou

Stichting Jeugdwerk Jong Bonaire is een naschoolse jeugdontwikkelingscentrum gericht op jongeren in het voortgezet onderwijs in de leeftijd van 12 t/m 21 jaar en heeft als doel de jeugd van Bonaire, ongeacht ras, godsdienst, nationaliteit, huidskleur of sociaal financiële positie te helpen zich te ontwikkelen tot voorbeeldige volwassenen.

Met ingang van **01 mei 2023** zijn wij op zoek naar:

\* **een sport en spelleider** (minimaal MBO niveau) 30 uren per week.

### Functie beschrijving:

Directe ondersteuning van de doelgroep door het organiseren en uitvoeren van activiteiten om de zelfstandigheid en zelfwerkzaamheid van de doelgroep te vergroten en verbetering van het woon-, leer- en leefklimaat te bewerkstelligen.

### Specifieke functiekenmerken:

- \* je voert activiteiten uit die een educatief en recreatief karakter hebben;
- \* je begeleidt deelnemers bij activiteiten, zowel individueel als in groepsverband;
- \* je bent mondelinge uitdrukkingvaardig voor het overdragen van informatie en het geven van instructies bij activiteiten;
- \* je geeft advies en informatie over onderwerpen van zakelijke en meer algemene aard;
- \* je assisteert andere Sport en Spelleiders bij bedenken, organiseren en uitvoeren van activiteiten, cursussen, instructies, voordrachten en dergelijke;
- \* je verricht bijbehorende administratieve werkzaamheden;
- \* je denkt actief mee over het verbeteren van de dienstverlening;
- \* je legt en onderhoudt contacten met familie/verzorgers;
- \* je signaleert wensen, behoeften, problemen en ambities van de deelnemers.

### Wij zoeken:

- \* opleiding op MBO-niveau;
- \* creativiteit met interesse voor kunst, mode en schoonheid;
- \* sterke communicatieve vaardigheden;
- \* affiniteit in omgang met jongeren.

Bij gelijke geschiktheid gaat de voorkeur uit naar een vrouw.

Voor de vacature geldt dat een Verklaring Omtrent het Gedrag overlegd dient te worden. Uw sollicitatiebrief met CV en referenties richt u per e-mail aan Michel Nicolaas (general manager), met als onderwerp: sollicitatie sport en spelleider gespecialiseerd in muziek/av-specialist. e-mailadres: [generalmanager@jongbonaire.org](mailto:generalmanager@jongbonaire.org)

**Sluitingsdatum voor de vacature 31 maart 2023.**



### Registrá bo yu na un skol di “Birgen Maria Onderwijs” (skolnan Katólíko)

Direktiva ta invitá mayornan ku tin yu ku ta kumpli 4 aña entre mei 2023 i aprel 2024 i mester bai skol básiko pa promé biaha pa registrá. Mayornan mester registrá e yu di forma digital (online) riba e pagina [www.aanmeldenbasisonderwijsbonaire.com](http://www.aanmeldenbasisonderwijsbonaire.com)

Mester registrá e yu ku ta bai skol pa promé biaha den e aña eskolar 2023-2024 **promé ku 1 di aprel 2023** pa skol básiko.

### Registrashon:

**[www.aanmeldenbasisonderwijsbonaire.com](http://www.aanmeldenbasisonderwijsbonaire.com) obligatorio pa tur mucha ku a nase entre 1 di mei 2019 i 30 di aprel 2020.**

Riba e wèpsait bo ta haña tur informashon nesesario pa por registrá e yu na e manera korekto.

E wèpsait ta disponibel den e siguiente idiomaan: Hulandes, Papiamentu, Spaño i Ingles. Pues porfavor sòru pa bo yu ta registrá **promé ku 1 di aprel 2023. Despues di aprel 2023 NO ta posibel mas pa bo registrá bo yu via di e wèpsait.**

Si bo NO registrá na tempu, e chèns ta grandi ku lo no bai tin mas kupo na e skolnan di bo preferensia.

## Eli Deli Cafe B.V.

ta buska

### - 1 Bakker 40 ora pa siman

-idioma: spano, ingles i papiamentu.

-min 3 aña di eksperensia, edat min 25 - max 35

Pa mas info yama telefon **795 4709**

*Pa manehá bou di influensia di alkohòl*

# Kantidat detenshon ta oumentá

**KRALENDIJK** -- E kantidat di detenshon pa manehá bou di influensia di alkohòl, ta oumentando. E wikènt ku a pasá tambe a realisá algun detenshon.

Djabièrnè 10 di mart polis a detené e hòmbler di inisial A.G.G.C. di 52 aña di edat en konekshon ku manehá bou di influensia. A para e sospechoso na momentu ku el a drenta Kaya Grandi den direkshon prohibí.

Despues di kontròl mas aleu, a resultá ku e shofùr tabata bou di influensia di

alkohòl i a deten'é.

Djasabra 11 di mart den oranan di anochi, polis a detené dos hòmbler riba Kaya Nikiboko Nort. Ta trata di e hòmbler di inisial J.W.D.H.B. di 39 aña di edat i e hòmbler di inisial M.G.M. di 28 aña di edat. Mas despues a resultá ku e hòmblernan tabata enbolbí den un aksidente i a kumin-sá bringa ku otro.

Despues di kontròl mas aleu, a resultá ku ámbos hòmbler tabata bou di influensia di alkohòl, motibu pa kual a detené nan.

A transportá ámbos pa Warda di polis pa un aná-lisis di rosea. A konsekuensia di e resultado mesora a konfiská reibeweis di e sospechoso di inisial M.G.M. te ku próksimo aviso.

E sospechoso di inisial J.W.D.H.B. a risibí un prohibishon pa manehá di 6 ora.

Djasabra 11 di mart al-redeador di 1'or di mardugá, polis a detené e hòmbler di inisial I.M.C. di 60 aña di edat na Kaya Maria, en konekshon ku manehá bou di influensia.

A para shofùr di e outo pa un kontròl rutinario i a konstatá ku e tabata bou di influensia di alkohòl. Pa e motibu akí a deten'é. A bai ku su outo Warda di Polis.

Djaluna 13 di mart den oranan di anochi, polis a detené e hòmbler di inisial B.D.L.C.S en konekshon ku manehá bou di influensia. E sospechoso tabata enbolbí den un aksidente riba Kaya Kachi Craane.

E hòmbler a deklará ku e tabata na telefòn i a perdè kontròl riba su stùr pa kual motibu el a bai resultá riba

algun blòki di betòn kantu di kaminda.

Despues di un kontròl mas aleu, a resultá ku e hòmbler tabata bou di influensia di alkohòl i e no tabatin un reibeweis bálido huntu kuné tampoko.

A deten'é i hib'é Warda di Polis pa un aná-lisis di rosea. A konsekuensia di e resultado a dun'é un prohibishon pa manehá di nuebe ora i un prosèsferbal pa e violashonnan menshoná.

## 'Te Amo' òf 'Te káos'

**KRALENDIJK**-- Stra-ño pero bèrdat. Un di e diferente sitionan pa disfrutá di laman un desaster. E nòmber ta Te Amo Beach, pero kisas 'Te Káos Bich' ta zona mihó. E bich na rant di laman ta bon, tambe e santu riba e bich. Pero pa yega na e sitio, ta un desaster. No tin otro palabra pa bisa.

Mayoria, pa no bisa tur bich na Boneiru, sea e bich òf den su bisindario, ta un mahos bista. Boneiru ta

mundialmente konosí pa su bida bou di laman, esei tur kaminda papia. Un kos so ku no ta papia di dje, ta e desaster ku tin pa pasa, yega na e bichnan, pa drenta laman. Ta laga hopi di deseá, kon niun hende, esnan konserní, nunca a pensa lo ta hopi importante drecha maske ta algun di e sitionan, esta e alrededor di bichnan.

Esaki ta laga e hende, turistanan tambe, remarká

ku tin bunita laman bèrdat, pero e área pa yega na e bichnan, e struktura ta teribel.

Momentu un reportero di BONERIANO tabata saka potrèt na e sitio, direktor di TCB, pa kasualidat tabata den su vehíkulo

na e área. Pues, si tabata su promé bishita einan, awor e sa kon teribel ta pa yega na Te Amo Beach.

Riba potrèt tin e kamin-da ku ta kita for di Kaya Internashonal, banda di èrpòrt, pa yega na e bich

konosí pa Te Amo Beach. Tantu e kaminda pa yega aeropuerto internashonal di Boneiru, ta den mal estado i pa yega na Te Amo Beach, no tin diferencia. Buraku i piedra grandí pa kore riba dje.



## Detenshon pa maltrato

**KRALENDIJK** -- Djadumingu 12 di mart den oranan tempran di mainta, polis a detené e

hòmbler di inisial J.P.G.J.G. di 46 aña di edat na un bar/restorant, en konekshon ku violensia públiko i maltra-

to. E sospechoso tabata enbolbí den un bringamentu kaminda un persona a resultá heridá.

Den aparato gubernamental

# OvO ta kondusí na desbalanse i falta di integridat

**KRALENDIJK** – Un akuerdo di tarea, OvO, ta intenshoná pa yena un funshon liber temporalmente, òf pa bini ku un proyekto dor di pone un persona outónomo òf un empresa ku tin ekspertisio spesífiko den kas ku no ta internamente presente pa ehekutá un proyekto. Projektonan pues tin un komienso i tambe un final. Pues un OvO apolutamente no mag di ta un relashon di servisio kòrtá. Loke OvO ta kondusí na dje den e aparato gubernamental, ta desbalanse i falta di integridat.

Den un komentario, Gianni van den Heuvel, ta elaborá mas ekstenso e nifikashon i kon OvO ta funshoná. “Loke awor a bira un tendensia na Entidad Públiko Boneiru, ta yena posishonnan di yabi ku OvO, miéntras ku no ta saka vakatura.

Sinembargo e último simannan akí mi por mira ku direpente a pone un kantidat grandi di vakatura riba e web-site.”

## Posishon di yabi

Un hende riba un posishon di yabi ku ta keda pagá via di un akuerdo di OvO, téknikamente no ta konta i no tin relashon di maneho den e organisashon, di otro manera e ta bira un akuerdo laboral. Un biá mas un OvO no por tin un relashon di trabou ku ta kòrta, segun van den Heuvel.

Van den Heuvel: “Kaminda fundamentalmente pa mi ta trata, un persona ku un OvO no mester buska òf buska ménos konekshon ku e organisashon i e otro personal, mirando ku un OvO ta solamente di orígen temporal. Òf en todo kaso mester ta asina. Pasobra mi ta ripará ku akuerdonan di OvO ketu bai ta keda prolongá i no ta tene kuenta riba e kompletashon i evaluashon di un tarea.”

## Preokupante

Esaki ta hopi preokupante, mirando ku no ta deklará ku un trahadó ku mesun nivel di trabou i tambe mester tene su mes



na e lei di ámtenar, en komparashon ku esun ku ta paga mitar ménos ku esun ku un akuerdo di OvO. E fenómeno akí ta kondusí na desbalanse den e organisashon, un kiebro total di un espíritu di tim i sigur tambe di e vishon di e organisashon. Kada persona ku atraé djafó, tin su propio kuadro di referensia i no mester kambia esaki, pasobra no tin relashon di maneho, segun van den Heuvel.

Van den Heuvel ta sigui, un ámtenar mester hura ku e ta hasi su trabou na un manera íntegro i dentro di kuadronan di lei. Awor bo

ta sintá banda di un persona ku un akuerdo di OvO ku no mester hura, di akuerdo ku Rechtspositiebesluit ambtenaren BES, artíkulo 41 i pues ta traha desde di su interes i prinsipio.

## Prosedura

“E ponensia ku akuerdonan di OvO lo mester ta na òrdu, pasobra esaki ta bai via di RV, tambe mi ta haña mas serio ainda. Ku e pago i funshon den e organisashon, RV no tin nada di aber. Kolegio Ehekutivo mester sigui e proseduranan i leinan korekto i duna Konseho Insular tarea pa ehekushon. Asina esaki ta stipulá den e organisashon gubernamental. Bo no por usa bo propio modelo di maneho igual di esun di un empresario kaminda e responsabilidad ta sintá totalmente serka bo mes,” van den Heuvel ta skirbi.

Segun van den Heu-

vel, e ta pone interrogante serka henter e manera kon e asuntunan akí ta bai i ta bira tempu pa e pueblo, prensa i ámtenarnan tambe riska hasi pregunta. Kon nos ta pensa ku nos por bai promové dunamentu di servisio na públiko. Kon e organisashon ta bai fokus su mes riba integridat sí tin 100 pa 120 OvO ta andando kaminda e akuerdonan ketu bai atrobe ta keda prolongá den silencio. Kon honesto esaki ta en bista di nos propio hendenan ku kisas gustosamente tambe por bini na remarke pa tipo di funshon asina. Kon nos ta bende e storia, bo no tin sufisientemente bon.

Di kon no invertí den edukashon pa asina nan por logra e nivel deseá. A base di kua maneho nos ta operá awor i kuantu tempu mas nos ke sigui bai di e manera akí, van den Heuvel ta puntra.

## AMNESIA

Skritura: Deuteronomio 8:10-18

“Tene kuidou pa bo no lubidá SEÑOR bo Dios dor di keda sin warda Su mandamentunan, Su ordenansanan i Su statutonnan ku mi ta ordenábo awe,” versíkulo 11(BS)

Amnesia ta indiká pèrdida di memoria i pa straño ku por parse; ta mas fásil pa lubidá riba Dios ora bida ta bai bon i dushi. Ora haña un promoshon mesora nos ta pensa: ‘mi meresé esaki;’ risibí un oumento di salario, ‘mi a traha duru pe’; yunan ta lanta den bon kaminda, ‘mi a hasi un bon trabou’. Unda Dios a keda?

Kiko ta ora bida ta duru i difisil? E ora ei si mesora ta yama i sklama na Dios pa yudansa i sosten.

Dios, Kende a traha hende konosé su mente i pensamentunan. P’esei den e Skritura di awe, Moisés ta instruí e pueblo di Dios nèt promé nan dreña e tera primintí, pa NO LUBIDÁ; Ken a saka nan for di sklabitut, Ken a proveé i kuida pa nan den e desierto, Ken a bringa pa nan?

No laga amnesia poderá di nos mente ora bida ta bai bon i kosnan ta kana manera nos ta deseá. Nunka lubidá esaki: ku ken nos ta, kiko nos tin, nos abilidatnan i asta e rosea ku nos ta hala; ta Dios ta permití i duna nos tur esakinan.

Semper kòrda ku Dios ta Esun ku ta duna ku un propósito. E ta ferwagt di nos ku asta den e momentonan bon, nos ta kòrda riba djE i mustra gratitut pa loke E ta hasi.

Hasiendo esaki asta ora e momentonan difisil presentá, nos lo NO LUBIDÁ e tempunan bon i nos lo gradisí pa esnan ménos bon, pasobra nan tambe tin un propósito.

Gilda Beukenboom-Sintjago

Produkshon PGM



## Programanan di Bonaire.tv

TELBO kanal 70  
Flamingo TV kanal 23

### Djaweps 16 mart 2023

<b>12.00 Aktualidat:</b>	<b>Nolly Oleana</b>
<b>13.00 Aki Bonaire:</b>	<b>Lando Tjin-a-Tjsoe</b>
<b>14.00 Herensia Korsou:</b>	<b>Plaza Victo</b>
<b>15.00 BAPA:</b>	<b>Rudy Domacassé</b>
<b>16.00 Herensia Korsou:</b>	<b>Charles do Rego</b>
<b>17.00 Aki Bonaire:</b>	<b>George 'Kultura' Thodé</b>
<b>18.00 Herensia:</b>	<b>Philip 'Lipo' Elhage</b>
<b>19.00 BAPA:</b>	<b>Elba Mercera-Beaumont</b>
<b>20.00 Herensia Korsou:</b>	<b>Saida Hernandez-Augustina</b>
<b>21.00 Aki Bonaire:</b>	<b>Classical Music Board Benefi etconcert 2019</b>
<b>22.30 Herensia Korsou:</b>	<b>Gilbert (Boy) Wout</b>

Tur mèrdia 12’or ta kuminsá un programashon nobo di 4 ora. E programashon aki ta ripití pa 24:00.

# Pronto un klup di dominikano

KRALENIJK—Trabou a kuminsá algun dia pasá pa traha un edifisio ku ta bai sirbi pa e organisashon di ASODOBO, dominikanonan bibá na Boneiru. Ya pa hopi tempu a plania esaki i awor trabounan a kuminsá. Ta trata di un sitio ku dominikanonan por reuní pa reunion, dia sosial i mas.

Esaki ta loke e presidente nobo di ASODOBO a konta BONERIANO. “No

solamente pa dominikano, pero habrí pa tur hende. Ta bin un edifisio di 2 piso, loke por sirbi pa momentu un persona invitá bini for di eksterior, e por hasi uzo di e fasilidat durante su estadia. Nos dominikanonan na Boneiru, ta bai ku nan mes forsa, pa traha i kaba e proyekto. Ta pensa ku denter di 1 aña, ta finalisá e proyekto.”

Un lugá ku por organisá fiesta, asina haña

fondo pa mantené e edifisio. Awor e direktiva nobo ASODOBO, ta tumando e iniciativa pa traha pa e kas di dominikanonan. Ta invitá tur dominikano ku tin mesun interes, pa e union di e dominikanonan na Boneiru, pa duna un man.” Esaki e presidente nobo di ASODOBO, a bisa dia nan a kuminsá kaba pa inisiá e proyekto. E tereno ta dilanti, poko na banda di e edifisio di chines na

kaminda Lac. Diputado James Kroon tabata presente, komo bon amigu di

nan, a invit’é momentu ku a kuminsá kobamentu pa konstruí e edifisio.



*Pa promé bia na yüni*

# Pride Bonaire 2023

KRALENDIJK— E prome evento di ‘Pride’ na Boneiru ta na kaminda. Fundashon EQ Bonaire ta esun ku ta organisá e evento. “Orguyosamente nos ta anunsiá

e promé ‘Pride Bonaire’ ku lo tuma lugá di 22 pa 25 di yüni 2023,” asina representante di e fundashon a duna di konosé.

EQ Bonaire ta un fundashon ku ke mehorá

komprehon pa ku e famia LGBTQIA+ ku semper tabata, ta i lo keda forma parti di komunidad di Boneiru. LGBTIQ+ ta e abreviashon di lesbiana, gay, bi+, transgénero, intersex i queer. E señal di + ta indiká ku e término ta inklusivo pa personanan ku ta yama nan mes diferente for di loke e letranan aki ta nifiká, manera asexual òf pansesual.

Meta di e fundashon ta pa enkurashá i sigurá enkuentronan den ambiente respetuoso, agradable i ameno. Tur hende na tur momentu ta Bonbiní serka e fundashon.

‘Pride Bonaire’ ta konsistí di eventonan pa tur hende ku ta biba na Boneiru.

Lema di e promé evento i di e organisashon ta “Nos t’ei, Nos t’ei. Propósito di ‘Pride Bonaire’ no ta solamente enkuentronan festivo pero tambe eventonan kultural den kua ta eduká i kompartí konosementu riba historia di Boneiru ku ta konserní e komunidad LGBTQIA+.

EQ sinembargo ta un

fundashon sin ganashi. Pa por yega na fondo, e fundashon banda di aporte finansiero ta aseptá tambe den forma di medio trabou boluntario, ofresé produktonan, fasilidatnan i òf lokalidatnan “Sea liber pa tuma kontakto ku nos enkuanto kon bo por yuda nos òf kiko bo por ofresé nos.”

Aktualmente e fundashon ta preparando paketenan di ‘Pride’ ku ta kontené materialnan di dekorashon i banderanan den kolónan di arko íris pa asina negoshinan lokal por dekorá nan edifisio. Den futuro serkano e fundashon lo bende e materialnan pa rekoudá fondo.

## Josan Bonaire N.V.

ta buska

- 10 metselaar

- 1 tegelzetter

-mester tin 2 aña di eksperensia

Mas inf. tel. nr **717-7672**

*Ta buska hóbennan entre 13 pa 27 aña*

## Proyekto Ban konstrui un Boneiru 3.0

KRALENDIJK -- Bo ta un hóben entre 13 pa 27 aña i bo ta gusta aktua, balia, kanta, pinta, traha obra di man i te asta multi-media? Bo ke kresen den e area aki? E ora ei e proyekto nobo di MDT (Maatschappelijk Dienst Tijd) i ACE Foundation ku yama ‘Ban konstrui Bonaire 3.0’ ta pa bo.

E proyekto aki ta pa un máksimo di 10 hóben ku tin talentonan artístiko. Hóbennan ku tin interes den arte i kultura. E ta un proyekto kaminda hóbennan

lo por eksperimentá ku nan talento i te asta kuminsá un karera artístiko amatùr of profeshonal.

Durante kuater luna e hóbennan lo bai traha riba un plan pa konstruí un Boneiru nobo, poniendo huntunan ideanan. E plan aki nan lo bai kombertié den un presentashon di teater. Henter pueblo di Boneiru lo por mira e obra teatral aki. Durante e trayekto nan lo topa vários profeshonal ku lo bai konta kon Boneiru ta aktualmente i kiko ta nesario pa e kresementu

di Boneiru.

Despues di e kombersashon ku e hóbennan aki hiba ku e profeshonalnan, nan mes lo bai krea nan plan. E idea ta pa presentá e plan aki di un forma teatral den luna di yüni.

Si bo ta entre 13 pa 27 aña i bo ke partisipá den e proyekto aki inskribi via di e webstie [www.mdt-bonaire.com](http://www.mdt-bonaire.com)

Pa mas informashon por yama ofisina di ACE Foundation na telefon 796-5677 òf email: [aces-bonaire@gmail.com](mailto:aces-bonaire@gmail.com)

## A repartí 31 but durante kontròl di tráfiiko

KRALENDIJK – Durante di e kontròl, a Djasabra 11 di mart den oranan di mainta, Kuerpo Polisial Karibe Hulandes, KPCN, a tene un kontròl di tráfiiko riba Kaya Industria en konekshon ku seguridad di tráfiiko.

Durante di e kontròl, a kontrolá un total di 56 vehíkulo. A duna un total di 31 prosèsferbal.

Partikularmente pa manehá sin faha di seguridad bisti mayoria biaha a duna but.



# Bishita di Gezaghebber na urna elektoral

Despues di kaba vota djárason, Gezaghebber Edison Rijna a akudí na Sentrio di Bario Tera Kòrá, un dje urnanan elektoral, pa tira bista kon kos tabata kanando. El a topa ku simpatisadónan di mayoria partido.



## Votadónan ta probechá vota tempran

Remarkabel ta ku votadónan a respondé hopi bon riba e yamada di Konseho Elektoral pa vota tempran ayera. Reporteronan di BONERIANO tabata na urna elektoral di Sentro di Bario Nort di Saliña, na unda ku asta promé mes ku e urna aki a habri porta, ya kaba tabatin hende pará pafó wardando pa vota.



## Gezaghebber a depositá voto

Gezaghebber Edison Rijna a akudí na e edifisio di Goddard, situá pegá ku su residensia ofisial, pa depositá su voto djárason mainta pa 10'or. Rijna den su kalidat di gezaghebber ta anunsia tambe resultado di elekshon.



# BONEIRU A VOTA

*Despues di pone tur hende warda*

## Clark Abraham a vota na Tia Sani

*Clark Abraham lider di partido Democraat a pone simpatisantenan i prensa warda basta ratu riba dje. E lider a tuma su tempu i kombersá u ku esnan presente na Tia Sani na Rincon. Despues di basta ratu Abraham a drenta i depositá su voto.*



*Pa kolegio Elektoral*

## Gezaghebber a vota na Rincon

**KRALENDIJK** – Dia 15 di mart parti atardi gezaghèber Edison Rijna a vota pa Kolegio Elektoral na Tia Sani, Rincon. Vota pa Kolegio Elektoral tambe ta di importansia debí ku Boneiru por tin influensia riba konstelashon di Eerste Kamer. Pa e mo-

tibu akí gezaghèber Edison Rijna ta spera ku tur hende ku por a bai vota, a bai vota tambe! Tantu pa Konseho Insular komo pa Kolegio Elektoral.

Aparte di su bishita na Rincon gezaghèber Edison Rijna a bishitá tambe otro urnanan elektoral.



## James Kroon a vota den su bario



*Lider di Union Patriótiko Boneriano, UPB, James Kroon a bai ayera atardi den kompania di su famia. Un gran kantidat di simpatisante di e partido, a akudí na Tia Sani pa sostené e lider. Tabata notabel ku Kroon i su famia a vota pa mas persona mirando e kantidat di biyete ku taba tin den nan man.*



# BONEIRU A VOTA



# Rodger Gijsbertha a vota pa Hennyson Thielman

KRALENDIJK -- Rodger Gijsbertha a urgi tur votadó pa depositá nan voto ayera mainta riba kandidato nr. 1 di Movementu Elektoral di Pueblo (MPB) Hennyson Thielman. T'esei e mes tambe a hasi ayera mainta tempran na urna elektoral di Sentro di Bario Nort di Saliña.

“Mi ta hopi desapuntá den e partido Union pa Pueblo (UPP) di Aljano Emerenciana”, Gijsbertha, kende tabata presente dia ku Emerenciana a anunsiá su partisipashon na eleksion, a bisa. Opviamente Gijsbertha a kibra ku UPP. Mas aleu den

deklarashon pa BONERIANO Rodger Gijsbertha, ko-fundadó di e partido PABOSO masoméno 35 aña pasá, a deskonsehá pa vota riba e listanan di Demokrat i M21, ku e ta konsiderá komo un peliger pa Boneiru.



## Simpatisadónan huntu ku otro

No opstante e ambiente di tenshon ku a eksistí últimamente den kampaña elektoral, tòg riba dia di eleksion mes por a mira simpatisadónan di partido manera ruman banda di otro.



## Representante di reino a vota

Tabatin basta moveshon for di mainta tempran na Sentro di Bario Nort di Saliña. Representante di Reino (a.i.) Jan Hellmond a akudí na e urna aki pa depositá su voto den tempran. Fotógrafa di BONERIANO Fittipaldi tabata presente.

## Elvis Tjin Asjoe a vota tempran

KRALENDIJK -- Presidente i fundadó di MPB, Elvis Tjin Asjoe, a depositá su voto basta tempran ayera. E tabata kompañá pa su esposa. Nan a vota na Kompleho Deportivo Jorge Nicolaas na Kaya Amsterdam. Nan ta biba na Antriol.

Motibu ku Elvis Tjin Asjoe a vota tempran tin di aber ku e echo ku e tin

un kompromiso awe relashoná ku entiero di Jan Kloos, kandidato riba lista di MPB, kende lamentablemente a fayesé siman pasá. E votonan depositá riba kandidato Jan Kloos ta bálido i lo nota pa Jan Kloos.

Pa ilustrá tòg ki nivel kampaña elektoral por yega, aki ta sigui un fragmento for di un komunikado di

prensa ku Union Patriótico Boneriano (UPB) a saka djamars, lagando David Frans, kende ta pretendé di ta un kristian, na palabra tokante Elvis su matrimonio: “Te ainda su bida personal ta muestra nos kon ta usa hende pa su propio benefisio, algu egoséntriko. Wak e 4 aña tras di lomba, divorso fo’i su kasá ku a yud’é pa gana eleksion na 2015 i 2019, pa awó kasa den e mesun instante ku un señora makamba.”

Frans ta premirá ku e matrimonio aki no ta basá riba stimashon, pero manipulashon di komunidad hulandes. “Ta su strategia nobo, pa sigui gana e makamba pa vota pa su partido i asina kita tur derecho fo’i yunan di tera pasombra e a pèrdè tur kredibilitat serka e pueblo boneriano.”



# Kruseronan di bishita serka nos

E dianan aki kasi tur dia tin barku di turista, krusero, di bishita den haf di Kralendijk. Pero nos no sa masha di nan. Nos ta mira nan komo djis un barku di turista mas. Pero nan tin nan historia. Den un seri di artikulo BONERIANO ta dediká atenshon na e barkunan aki. Añanan pasá tambe a hasi esaki den Extra, pero tabata otro tempu i otro barku.

## Celebrity Millennium

E dianan aki kasi tur dia tin barku di turista, krusero, di bishita den haf di Kralendijk. Pero nos no sa masha di nan. Nos ta mira nan komo djis un barku di turista mas. Pero nan tin nan historia. Den un seri di artikulo BONERIANO ta dediká atenshon na e barkunan aki. Añanan pasá tambe a hasi esaki den Extra, pero tabata otro tempu i otro barku.

GTS Celebrity Millennium (anteriormente Millennium) ta un krusero operá pa Celebrity Cruises. E ta e barku lider di su klas homónimo, ku su barkunan ta funshoná ku turbina di gas. Na 2000 a entregá e barku. Celebrity Millennium ta e barku operativo mas bieu di E flota Di Celebrity.

**Konstrukshon**  
Na febrüari 1998, Royal

Caribbean a firma un karta di intenshon ku Chantiers de l'Atlantique pa konstruí dos barku nobo ku opshon pa dos mas. Huntu lo a forma un klase nobo di barku, yamá Millennium class. Diseñá pa ta un evolushon di e barkunan di Celebrity Century class, e barkunan nobo aki originalmente mester a midi 85,000 GT i tin un kapasidat pa 1,900 pasahero. Entrega di



e barkunan tabata yüni 2000 i yanüari 2001. E barku tabata e promé barku di konstrukshon nobo pa Celebrity despues di e fushon entre Royal Caribbean. Tambe e promé barku di Celebrity ku no a konstruí na e waf aleman Meyer Werft.

Dia 7 di novèmber 1999 a lansa e barku. Na april 2000 e barku a hasi su promé seri di tèst riba laman. E di dos tabata riba riba 21 di april 2000. Inisialmente lo mester a entregá e barku 31 di mei 2000.

A bin retraso den esaki i a entregá e barku te 22 di yüni 2000. Su boutismo a tuma lugá na Southampton riba 26 di yüni 2000. Robyn Roux, esposa di e famoso chef frances Michel Roux tabata madrina. Celebrity Millennium su promé puerto di registro tabata Monrovia, Liberia.

### **Karera operativo**

Despues di su boutismo, Millennium a hasi su biahe inagurashonal riba 1 di yüli 2000 for di Amsterdam pa e portonan baltiko. Despues di un temporada inougal na Oropa, e barku a debutá na Nort Amérika na New York novèmber 2000. Promé ku el a reposi-

shoná port Everglades na Fort Lauderdale, Florida, pa nabegá den Karibe el a nabegá den laman mediterráneo e siguiente zomer. For di 2001, e barku a nabegá hopi rònt Oropa, Australia, i Karibe. Na mei 2011, un pasahero di masoméno sesenta aña a desaparecé. E nota esaki debí ku e no a baha for di barku na e destinashon final San Diego. Kámara di seguridat a kapta kon e pasahero a bula for di e barku. Esaki a sosodé entre Cabo San Lucas i San Diego.

### **Covid**

Debí na e pandemia COVID-19, na febrüari 2020, Celebrity a kanselá tur krusero pa Asia na Celebrity Millennium i a reassigné na Los Angeles pa nabegá riba krusero di kortesia na mart i april 2020 pa salbadornan i personal militar.


Sinembargo, a kanselá tur biahe despues ku e kompania a stòp su operashonnan riba 13 di mart 2020.

E barku tabata na waf òf ankrá na laman serka di San Diego durante gran parti di e pandemia.

## MONCHI & TONCHI

Tonchi, porfin....fiesta a kaba!!!

Awèl si, mi ta kontentu ku e la bai kalmu i #desente!!



### **KOLOFÓN**

Editor: Bonaire Communication Services N.V.  
Kaya Irlanda 12,  
Tel. 717-8482

Redakshon: [extrabon@gmail.com](mailto:extrabon@gmail.com)  
avisobon@gmail.com  
Wèpsait: [www.extraboneiru.com](http://www.extraboneiru.com)  
Facebook: Extra Boneiru

**Direktor**  
Shirley Martis  
785-3824  
796-3824

**Partner na Aruba**  
Awe Mainta  
**Partner na Kòrsou**  
Extra  
**Partner na Boneiru**  
Live99

**Redakshon**  
Papi Antoin  
Nathaly  
Evertsz-Ipcedencia  
Davienuska Janga  
Velli Gijsbertha  
Edson Pietersz  
Ibi Piar (deporte)

**Layout**  
Davienuska Janga  
Maya Beaumont

**Konsehero:**  
Bòl Antoin  
786-6818  
**Aviso**  
[avisobon@gmail.com](mailto:avisobon@gmail.com)

# Retrèt di Grupo San Thomas (St. Thomaskring) dia 26 di mart 2023 ta ON

Ku sumo plaser Grupo San Thomas ta partisipá ku e aña aki su retrèt anual ta ON.

Pa mas di 80 aña Grupo San Thomas ta tene un retrèt solamente pa hende hòmbler, dos siman promé ku Pasku di Resurekshon. E retrèt aki semper ta un hopi bon bishita pa

mas di 100 hende hòmbler. Durante di henter un dia tur presente ta profundisá riba e diferente fasetanan di nos religion katóliko. Kasi tur aña nos Obispu, komo máksimo rep-


resentante di nos Iglesia Katóliko tei presente pa asina huntu ku tur presentenan diskutí i deliberá riba nos religion.

Direktiva a disidí ku e aña aki nos ta bai kuminsá bek ku nos retrèt pero di un manera otro ku den pasado.

Nos lo kuminsá e retrèt ku un Santu Sakrifisio di misa presedí pa nos Obispu Mgr. Luis Secco huntu ku Pastor Oscar i tres diakono 11 or di mainta na Misa di Grootkwartier. E kor di San Thomas bou di direkshon di Oscar Betrian lo sòru pa e parti musikal.

Despues di misa tur nos hende hòmbrenan lo ta bai na JCC pega ku misa, kaminda nos lo tin un charla na enkargo di Dr. Valdemar Marcha. E tópiko di e charla lo ta:

*Sigui lesa pag.13*



## PIRAMID TOP FITNESS KU TRAINER

Piramid Top Wellness Center ta ofresé Fitness Trainer pa guia bo gratis durante training di Cardio, Spinning, Body Shaping, Switching, Aerobic Low i High Impact, Zumba, Crossing, Circuit i Sauna for di mainta 5or te anochi 9'or nonstop.

Fitness ki ora ku bo ke i kuantu ku bo ke ta kosta Naf. 95,00 pa luna inkluso trainer pa guia bo. Ku kada pago bo tin derecho riba un karchi di deskuento ku un balor di Naf. 25,00 Inskripshon: Naf. 15,00



**Piramid Top Wellness Center**

Menegrandeweg 2, huki Rio Canariweg, Tel. 869-7733 of app. 520-8544



ARUBA

Parlamentario Alvin Molina (MEP):

# Accion gubernamental ta rekeri pa garantisa “food security”

ORANJESTAD – Alvin Molina, parlamentario di MEP, na maart aña pasa a entrega un mocion, pidiendo atencion pa e topico aki. E mocion a wordo carga unanimamente door di Parlamento. A yega tempo pa nos por mira un adelanto. P’esey el a dirigi pregunta na Minister President, como dirigente di gobierno, adhunto e peticion pa tuma e pasonan necesario pa promove e industria innovativo di agriculturnan.

Cuminda ta primordial pa nos como ser humano por biba. Pa nos por hiba un bida mas optimal y sano posibel, e cuminda mester ta di bon calidad, tin un bon prijs y ta disponibel con-

stantemente.

Durante pandemia y te awe ainda nos por mira con importante y con fragil tur e tres puntonan ta. Web'i galiña y lechuga ta dos ehempel cu a haya atencion den media, pero asina tin hopi mas. Danki na esfuerso di agricultornan local por mira poco poco cu cierto producto ta di miho calidad y pa un prijs mas rasonabel, pero ainda por mira cu falta basta.

Claro, inversionista mester “step forward” pa crea e industria, nos hendenan local mester haci e trabou di planta, pero gobierno sigur tin un tarea grandi pa promove e industria di agricultura. Diferente

departamento di gobierno mester wordo involvi den e desaroyo aki: Santa Rosa, DIP, WEB, Dimas, Douane,

DOW, labor, enseñansa, DVG, etc. Kisas e proyecto aki por wordo carga door di Ministerio di Agricultura,

Economia, Innovacion, Salubridad Publico, kisas un colaboracion entre varios Ministerio.



Minister Ursell Arends:

# Pronto trabou por cuminsa riba RWZI nobo

ORANJESTAD -- Diamars mainta e comision encarga cu soluciona e problematica di desperdicio likido na Aruba a presenta un update di e proceso cu ta andando pa yega na un RWZI nobo. E proyecto ta den un estado hopi avansa y ta premira cu trabounan di construccion lo por cuminsa den zomer.

E problema di e planta di RWZI na Bubali no ta algo nobo y e ta un problema mas grandi cu simpel holo desagradabel. E ta un

peliger pa nos salud, naturalesa, turismo, nos economia y e calidad di bida di nos hendenan.

Den e programa di Gobernacion pa 2021-2025 a pone como meta pa crea conscientisacion di e urgencia di e problematica aki y bin cu solucion sostenibel. E planta na Bubali ta data di 1972 y e tempo ey e la wordo diseña pa sirbi un cierto cantidad di habitante.

E tempo ey ta 60 mil hende tabata biba na Aruba y 50 aña pasa ningun hende

a pensa cu Aruba lo a conoce un desaroyo explosivo den cantidad di cambernan di hotel y cu esaki lo a haci cu e planta ta bira chikito pa capacidad di awa cu e mester procesa.

Tambe tin un hospital grandi cu a drenta den funcion solamente algun aña despues di e planta di RWZI. Cu tempo e desaroyo economico di nos isla a bay laga desaroyo di infraestructura atras. E planta a bira chikito pa e volumen di desperdicio likido cu e

mester procesa y su estado di mantencion a keda bay atras pa hopi aña pa motibo di falta di recurso financiero.

Durante e reunion cu e comision por a scucha for di e comision encarga cuanto trabou a wordo haci den e ultimo añanan pa yega na un solucion structural pa tur esaki, y cu e proyecto awor a drenta den un etapa hopi avansa y e ta cla pa wordo ehecuta.

E comision menciona a presenta na AHATA,

ATSA, FPNA, DNM y tambe na gerencia di Amsterdam Manor e detayes di tur loke ta e plan, e trabounan cu a wordo haci caba, kico falta y den ki tempo ta pensa cu lo por keda cla.

E comision ta lidera pa Sr. Jossy Figaroa, apunta pa Ministerio di Naturalesa, hunto cu Sr. Marlon Croes, director di DOW representando despacho di Minister President, y Sr. Ton Rojer di Utilities Aruba NV, cu ta parti di e carta di Ministerio di Energia.

Minister Rocco Tjon:

# Proyecto di camara hunto cu Elmar y KPA ta wordo firma na april

ORANJESTAD -- Si man pasa, Minister di Husticia y Asuntonan Social Sr. Rocco Tjon, hunto cu ekipo di Ministerio di Husticia y Asuntonan Social, a reuni cu Elmar. A evalua e proyecto di camara di seguridad, mirando cu durante e temporada di carnaval a instala algun camara tem-

poralmente. E feedback cu a ricibi di e parti tecnico di Elmar y e ekipo di KPA tawata uno positivo. Durante e bishitanan cu a haci na e diferente wardanan di polis, locual a sobresali ta e balor agrega di e camaranan, cu e conclusion cu e ta un di e motibonan pakico a experencia un tem-

porada di carnaval mucho mas trunkil. Durante e reunion cu Elmar, a toca e siguiente fase di e proyecto aki di cual e intencion ta pa cera un convenio cu Elmar na April pa di e forma ey por percura pa desaroya e proyecto aki y ekipa camara riba diferente puntonan strategico na Aruba.



Den henter e organisashon

## NOS ta laga hasi investigashon na kultura di trabou

**HULANDA** – NOS a inisiá un investigashon na e kultura di trabou den henter e organisashon. Gerente di e media a disidí esaki relashoná ku informenan

tokante komportashon inaseptabel na NOS Sport i e kombersashonnan ku a hiba dentro di e organisashon. Pa e investigashon, NOS ta hür ekspertonan eksterno.

NOS tin tres seshon di notisia, NOS Nieuws, Evenementen i Sport. Siman pasá for di un inventarisashon interno, a sali na kla ku serka e último seshon akí kasi shen hende a notifiká serka personanan di konfiansa, ku ehèmpelnan di entre otro komportashon di pèst i intimidashon seksual. E notifikashonnan ta bai durante e último 20 aña.

E problemanan a laga hopi lòs den henter e organisashon, direktor Gerard Timmer, ta bisa. “P’esei nos ta haña ku ta kuadra i importante pa laga profesionalnan eksterno profesional haña bista den nos organisashon.”

### Investigashon

Ta bini pues tambe un

investigashon na e kultura di trabou na NOS Nieuws i Evenementen. E deseo akí a bini naturalmente desde e redakshon durante e kombersashonnan tokante e soseditunan serka Sport.

“Komo hefe di redakshon nos ta sostené esaki kompletamente, pasobra nos ta haña ku tur e eksprensianan serka e koleganan di NOS Sport hopi importante pa tambe mantené nos kultura di redakshon den lus,” hefe di redakshon di NOS Nieuws, Giselle van Cann, a bisa.

Ekspertonan independiente pafó di NOS ta hasi e investigashon. E konseho di empresa di NOS i e komishon di redakshon di Nieuws, lo ta enbolbí serka preparashon di un investi-

gashon eksterno.

### Hefe redakshon NOS Sport

Djadumingu último gerente di NOS a anunsiá ku e hefe di redakshon di NOS Sport ta baha di inmediato, debí na e notifikashonnan tokante klima di trabou insigur i komportashon inaseptabel di e redakshon di deporte. Djaweps e hefe di redakshon di Sport a duna di konosé ku e lo baha den término, pero riba e desishon akí a bini hopi krikita.

Sekretario di Estado Uslu di Media, a pidi komisario di gobièrnu di komportashon inaseptabel seksual i violensia seksual, Mariëtte Hamer, pa konseho tokante e punto di notifikashon Mores.



## Hòmber ku epilepsia ta entregá sèn hòrtá bèk

**HAARLEM** – Un persona ku a bai ku un ènvelòp ku sèn durante un situashon di emergensia mèdiko den un supermarket na Haarlem-Noord, a mèldu su mes na polis i a duna polis e sèn. Ainda ta sospechá e persona di ladronisia. E insidente a tuma lugá djabièrnè

dies di mart. Un hòmbler a haña un atake di epilepsia na kaha di un supermarket na Marsmanplein. Mesora el a haña yudansa dor di un persona kende tabata kuné i tabatin sèn huntu kuné. Esaki a pone e ènvelòp serka di e kaha pa duna yudansa. Momentu ku e hòmbler a

mehorá, nan dos a ripará ku e ènvelòp ku sèn a dispersé.

Mas despues polis por a mira riba imágen di kámara ku e sospechoso a kue e ènvelòp. Despues di e insidente e víktima a bolbe haña un atake di epilepsia na kas, debí na e spantu ku el a haña dor di e ladronisia.



## Trahadó di supermarket seriamente heridá

**ROTTERDAM** – Un trahadó di un supermarket na Rotterdam a resultá seriamente heridá durante un atrako.

Dos hóben a hink’é ku kuchú. A hiba e víktima hospital, Rijnmond ta informá.

E atrako a tuma lugá djamars mainta den kareda di 7’or, den un supermarket di Jumbo na Amsterdam-Zuid, ku ainda tabata será. E dos atrakadónan a drenta i eksigí plaka.

Dor di esaki nan a hin-

ka e trahadó, segun polis.

Seguidamente bou di menasa di kuchú, nan a obligá e doño di e supermarket pa baha nan na Enk, mas òf ménos un kilometer mas aleu. El a sali liber ku spantu.

No ta kla sí e atrakadónan a logra bai ku plaka.

Ainda polis no a haña e atrakadónan i ta pidi testigu i hendenan ku imágen di kámara pa mèldu nan mes.





**STATIA/SABA/ST. MAARTEN**

# Votamentu na Statia



# Saba a vota

**THE BOTTOM** – Urnanan elektoral na Saba a habri mitar di ocho di mainta pa elekshonnan di Konseho Insular i Kolegio Elektoral. Na Saba 1.259 hende por vota pa e elekshon di Konseho Insular i 917 pa Konseho Elektoral di Tweede Kamer. E dos urnanan, Sunny Valley Youth Center na The Bottom i Eugenius Johnson Center na

Windwardside, a sera 9’or di anochi. Un kantidat di 16 kandidato e postula nan mes pa elekshon di Konseho Insular, shete pa Windward Islands People’s Movement (WIPM), seis pa e partido nobo Party for Equality and Progress (PEP), un kandidato pa e partido nobo Saba Caring People i dos pa e lista blanku di Dave Levenstone.



# Baseball5 deporte nobo

**KRALENDIJK** -- Un organisashon nobo a presentá nan mes i a papia tokante di un deporte nobo pa Boneiru, Baseball 5. A duna splikashon amplio kiko tur e wegá ta enserá i ku tur hende por praktik'é.

Federashon Baseball i Softball Boneriano, huntu ku e organisashon di Special Olympic, ta introdusí Baseball5 na novèmber,

den Special Olympic Kingdom Games.

Diputado James Kroon: “Orguyoso di ta parti di e enkuentro ku prensa awe. Algu grandi i nobo ta bai tuma lugá na Boneiru. Nos tei pa duna e aporte na e grupo akí. Pueblo di Boneiru ta bai mira e organisashon akí aktivo ku e deporte di Baseball 5. Por konta riba INDEBON i gobièrnu pa e

sosten na e organisashon.”

Marionela Josephia di Federashon Beisbòl i Softball Bonaire: “Na 2021 un grupo di persona a bai Hulanda i a sera konosí ku e wegá Baseball 5.” El a amplia riba kon a yega na dje i e idea pa tres'é Boneiru.

Chynessa Cornelia, ‘Kwartiermaker Honkbal Softbal Bonaire’ a bisa, Baseball5 ta rekonosé kasi

rònt mundu. Awor el a yega Boneiru. Meta prinsipal ta pa stimulá tur hende pa nan ta den moveshon i pa un komunitat salú. E ta algu nobo pa Boneiru, p'esei nos ke plam'é pa tur hende sa di dje. Tambe nos ke bai skol kuné. Promé ku implement'é, ta sertifiká e entrenadónan. Tambe na luna di aprel ke bai den bario. For di aprel ta bai siña e hendenan di Special Olympic na Boneiru. Por haña tur informashon di e deporte riba website. E ta pa hende di tur edat.

Terrence de Jongh di INDEBON a bisa: “INDEBON ta pará pa tur deporte. Nos ta pone e lidernan di INDEBON disponibel pa e deporte. No solamente finansieramente. Pabien pa organisashonnan aktivo. Tin mas proyekto ku ta bai sigui kana.”

Nymphette Josephia, lider di deporte na INDEBON: “Nos ta bai yuda na skolnan i na otro kaminanan ku por den bario. Kontentu i INDEBON tei pa yuda pa engrandesé.”

Alexander Thole, manager di Plaza Beach & Dive Resort, na su turno a bisa, e organisashon akí a aserká nos pidi pa koperashon ku Baseball5. “Mi a pensa poko i a tuma den pa kontribuí pa deporte na Boneiru. Ta un deporte nobo i ta importante pa komunitat. Ta importante pa un hende ta den moveshon. E wegá ta kasi manera beisbòl, pero tereno mas chikitu i ménos hende pa kada tim. No mes- ter di bate, wante, tampoko un tereno spesífiko.

Clinton Kirindongo di Federashon di Baseball i Softball Bonaire tambe tabata presente.



*Pa kurso di empayer sertifiká*

## Clayson a biaha pa Repùblika Dominikana

**KRALENDIJK** -Manera nos a bin ta informabo últimamente di empayer Clayson Cicilia ku lo sigui kurso avansá di empayer na Merka pero ku a kambia despues pa Sto. Domingo, a biaha djamars último pa Sto. Domingo huntu ku empayer Meulens di Aruba, pa sigui e kurso na e pais aki.

Ta trata di un kurso avansá ku lo dun'é oportunidad di desaroyá su mes komo empayer sèrtifiká i rekonosé den e mundu di empayer di beisbòl i tambe sòftbòl.

Djamars último momentu ku nos tabatin kontakto ku nan, nan

tabata na aeropuerto di Aruba pa sali pa Sto. Domingo.

Últimamente nos a duna bastante publisidat na e preparashonnan di empayer Clayson i Meulens pa logra realisá e biahe.

Esaki a bira realidat danki na hopi esfuersonan ku a keda hasí.

Clayson ta hopi kontentu di por a haña e oportunidad aki, danki na empayer Meulens di Aruba, ku a mira e potensialnan den Clayson, pa kua e la hasi tur loke ta posibel pa logra esaki.

Awe nan tur dos, tantu empayer Clayson komo tambe empayer Meulens,

ta sumamente kontentu ku nan a logra esaki.

Nos ta deseá Clayson tur pero tur klase di ék-sito ku e promé kurso aya na Sto. Domingo, ya ku lo tin mas kurso ta sigui despues di esaki.

Despues nos lo bini ku mas informashon i tambe lo trata na haña entrevista direktamente ku tantu Clayson komo tambe Meulens, esaki direktamente foi Sto. Domingo, pa tende mas di nan mes pa loke ta trata e kurso pa empayer sèrtifiká.

Riba potrèt empayer-nan Clayson i Meulens na aeropuerto di Aruba promé ku nan a biaha pa Sto. Domingo djamars último.



**DEPORTE**

# Diputado Kroon a duna lus na Vèlt

**KRALENDIJK** — Diputado James Kroon, a duna lus, un klaridat inmenso den e área di vèlt Estrella, tambe konosí pa Teach United. Awor e vèlt ta será den kurá i iluminá ku lus nobo. E vèlt tin un balor históriko loke diputado James Kroon a bisa. Poko despues ku diputado a sende e lusnan na e vèlt, el a bisa ku e tereno ta kla iluminá i drechá stabil.

Kroon: “Tur futbolista di Nort di Saliña den pasado, a trein futbòl riba e vèlt aki i último añanan, e tabata hopi uzá pa Teach

United. Último tempu e vèlt a bai hopi atras i awor gobièrnu huntu ku INDEBON, a renob’é kompletu. Si tur kos kana segun plan, pa fin di aña e vèlt tin yerba artifizial ariba. Tur hende ku ta praktiká deporte por hasi uzo di e vèlt.”

E meta ta pa mas tantu hende hasi deporte. Awor por uza e vèlt durante dia i anochi. Bon trabou pa kontratistanan i e parti di lus instalá, tremendo trabou. INDEBON huntu ku gobièrnu a pèrkurá pa e vèlt ta na òrdu. Ainda falta algun kos mas pa drecha.

Gezaghebber Edison Rijna i Bòi Antoin, dos amigu, kanando den e área, a tuma nota di e klaridat di e lus na

e vèlt. Nan a yega serka, pa tuma nota kiko ta sosodé. Semper nan ta pasa den e área i pa promé biaha nan a

mira lus sendé.

Nan a duna kòmpliment, ku e vèlt a keda hopi bon drechá.



# Boneiru ta sera konosí ku Baseball 5

**KRALENDIJK** - Djaluna último, e federashon di beisbòl i sòftbòl Boneriano (FBSB) ku ta den formashon, tabatin un konferensia di prensa kaminda nan a introdusí e deporte di Baseball 5 via di e proyekto Bonaire Tour.

E proyekto Bonaire Tour ta bini for di e proyekto di e bònt hulandes di beisbòl i sòftbòl (KNBSB) ku ta karga e nòmber City Tour.

E meta di Bonaire Tour ta kana huntu ku e meta di e programa di desaroyo, kual ta pa laga mas tantu hende ku ta posibel ta den moveshon, pa sòru asin’ei por tin un isla di Boneiru mas saludabel.

Esaki a pone ku FBSB konhuntamente ku e entidat di deporte di Boneiru INDEBON, a kuminsá introdusí e deporte di Baseball 5 na skolnan rònt e isla.

E intenshon ta pa algun siman e muchanan praktiká e deporte aki durante nan orario di skol i tambe na algun okashon despues di skol, pa despues forma parti di un kompetensia eskolar den e deporte. Tambe FBSB lo hasi introdukshon di Baseball 5 den barionan, kaminda ku durante aña lo organisá un dia di kompetensia den diferente barionan aki na Boneiru.

Tur hende, for di mucha te ku hende grandi, ta bon biní pa partisipá den e evento aki den nan barío.

Tambe e intenshon ta pa den futuro organisá un kampionato lokal di Baseball 5 pero pa despues tambe trata na organisá e promé kampionato di Karibe pa ku e deporte aki.

Ya kaba FBSB ta den kombersashon ku Special Olympic Bonaire, pa

asina e deporte aki tambe keda rekonosé den Special Olympics i asin’ei personanan spesial tambe por praktika e deporte di Baseball 5. Por último FBSB kier a gradisí INDEBON, KNBSB i Plaza Beach & Dive Resort pa nan sosten den e proyekto aki i ta pidi e pueblo boneriano pa keda pendiente pa mas di Baseball 5 aki riba nos dushi isla.



# Mas instruktor di guia

Esaki ta e grupo nobo di instruktor di práktika entusiasma kla pa guia studiantenan di MBO. ROA CN ta deseá e grupo hopi éksito i goso.



Solid Wood Table

\$425



Solid Wood Stool

\$295

Solid Wood Chair

\$375



CityShop

Smart shopping ▶ Better living

**BEST**  
WARRANTY  
& SUPPORT  
ON BONAIRE



\$995

LG Inverter  
Washer/Dryer Combo

